

Pitsaassutsimik qulakkeerinninnermut atortumut tunngassuteqartut

Suliffeqarfimmi aqutsisut akisussaaffigaat pitsaassutsimik qulakkeerinninnissamut atortumik pilersitsisoqarnissaa, atorneqarnera aamma ingerlaavartumik misilinneqartarnera. Pitsaassutsimik qulakkeerinninnermut atortoqarnermi siunertaavoq sammisami ikkussorneqartut eqqortumik suliarineqarnissaat aamma suliaritinneqartarnissaat isumannaallisaaneq, peqqissuseq aamma avatangiisit mianeriniarlugit. Suliffeqarfiup inuk nammineq akuersissummik pigisaqartoq, suliatigut pisariaqartunik piginnaasaqartoq niuernermi sammisamut naleqqiussilluni attuumassuteqartissavaa.

I Pitsaassutsimik qulakkeerinninnissamut atortumik pilersitsineq

Suliffeqarfiup atortumi nassuiarsimassavai:

Suliffeqarfik pillugu paasissutissat - CVR- pillugu paasissutissat il.il.

Suliffeqarfiup aaqqissuussaanera aamma suliassat agguarneqarsimanerat

Suliffeqarfimmi akisussaassuseqarnermut aamma piginnaasaqarnermut pissutsit

Akuersissummik pigisaqarnermi sammisut niuerfimmi sorlermut sammisuunersut

II Inuk inuttut akuersissummik pigisaqartoq aamma suliffeqarfiup piginnaasaqarfii

Suliffeqarfiup pitsaassutsimik aqutsinermut atortumi nassuiarsimassavai:

- 1) Inuup imaluunniit inuit inuttut akuersissummik pigisaqartup/-tut suliarisassaat, pisinnaatitaanerit aamma akisussaassuseqarfigisaat sulisunut suliamik suliaqartartunut naleqqiussilluni.
- 2) Aqutsisup, inuup imaluunniit inuit inuttut akuersissummik pigisaqartup/-tut aamma sulisut piginnaasaat.

III Suliffeqarfiup ingerlatseriaasia

Suliffeqarfiup atortumi nassuiarsimassavai:

Ingerlatseriaatsit suliassat inuttalerneqarnissaannut, sulisunik ilitsersuinermit, nakkutilliinermit aamma inaarutaasumik misissuinermit tunngasut.

Aqutsisut suliffeqarfimmi namminermi atortumik nalilersuisarnerminnut ingerlatseriaasiat.

Ingerlatseriaatsit suliame akuersissummik peqartoqarnissaanik piumasaaqateqarfiusumik kukkunerit qanoq suliarineqartarnerannut tunngasut.

Inatsisinut aamma ilitsersuinermit atortussanut pisortaninngaanneersunut

attuumassuteqartuut aamma nutarterneqarsimasunut tamanut isersinnaaneq, niuerfimmi

sammisami pineqartunut aamma kiisalu ikkussorneqarsimasunik isumannaatsumik

pilersitsinissamut, ingerlatsinissamut aamma suliarinninnissamut/aserfallatsaaliuinissamut pisariaqartunut.

IV Uppernarsaasersuutiniq aqutsineq - tamatumunnga ilanngullugit misiliineq aamma inaarutaasumik nakkutilliineq

Suliffeqarfiup pitsaassutsimik aqutsinermut atortumi toqqortarissavai:

1) Uppernarsaasersuineq aamma nassaarinnissinnaaneq inaarutaasumik nakkutilliinermut suliarineqarsimasumut aamma misissuineri imaluunniit nakkutilliinermi nalunaarusiat assilineri - tamakkununnga ilanngullugit nammineq inaarutaasumik nakkutilliinermi suliarineqarsimasunut allattukkat sulianut akuersissummik pigisaqarnissamik piunasaqaatitaqarfiusunut tamanut tunngatillugu.

Uppernarsaasersuutit makkua taamatuttaaq pitsaassutsimik qulakkeerinninnermut atortumi pigineqassapput:

1) Suliffeqarfiup sulisuinik ilitersuinerit.

Aqutsisut aamma sulisut piginnaasaannut attuumassuteqartunut nalunaarsukkat aamma tamatumunnga ilanngullugit akuersissuteqarnermut sammisamut tunngatillugu ilinniarsimanernut aamma pikkorissarsimanernut uppernarsaatit.

Uppernarsaasersuut suliamut akuersissummik pigisaqarnissamik piunasaqaatitaqarfiusunut suliarineqarsimasumut tunngasut, ilanngullugit sulisunik nalunaarsuineq aamma atortussianik atuineq.

Aqutsisut uniuksimanernut tunngatillugu nalilersuinerisa assilineri. Nalunaarusiat makkuninnga uppernarsaasiissussat:

Pinaveersaartitsineq aamma iluarsissuteqarluni iliuutsit, kukkunerit piviusut takkuteqqinnissaat pinngitsoortinniarlugit iliuksineqarsimasut.

Eqqortitsisimanerit misiliisarnissap akuttussusissaanut tunngasut misiliinermut atortut aamma uuttuinnermut atortut atorneqarsimanerannut, tamakkua isumannaatsumik pilersitsinermik, ingerlatsinermik aamma ikkussuunneqarsimasunik aserfallatsaaliuinnermut pisariaqarmata.

Suliffeqarfiup nammineq misiliinera - tamatumunnga ilanngullugit suliffeqarfimmi namminermi misissuineq (kukkunersuineq) aamma aqutsisut atortumik nalilersuinerat taamaattoqarsimappat, apeqqutaalluni suliffeqarfiup niuernerimi sammisaa aamma qanoq angitiginera.

Aqutsisut nalilersuinerat uniuksinernut tunngatillugu.

Innaallagissiornermut Oqartussaasut misileraanerit pitsaassutsimik aqutsinermut atortumit aamma suliffeqarfiup naleqqussaalluni iliuksineqarsimasai aamma uparuarneqarsimasunik malitseqartitsinera.

Sulisut suliffeqarfimmit allaneersut atorneqarsimanerat pillugit isumaqatigiissutigineqarsimasut.